

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدر .
ممالك اجنبیه ده سنه لکی (۱۷) ، التي
آیلغی (۹) فرانقدر .

اداره خانه

باب طاقی جاده سنده اورخان به خائنده
نومرو ۲۳-۲۶

اضطارات

آبونه بدلی پشیندر .

§

مساکه موافق آثار مع الممنونیه قبول
اولنور . درج ایدیا مهین یازیلر
اعاده اولوغاز .

الکمال

سر ۱۳۳۰

اضطارات

رساله مزدن آلدیغی کورملک شرطیه
یتون یازیلر هر هانکی مرغنه طرفندن
انتباس اولونه یبیر .

§

مکتوبلرک ، امضارک واضح و
اوقوناقلی اولسی و آبونه صره
نومرو صنی محتوی بولونمسی لازمدور .

§

ممالك اجنبیه ایچون آبونه اولانلرک
آدرسارینک قرامنیزه سرده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

دینی ، علمی ، ادبی ، سیاسی هفته لک مجموعه اسلامیه در

والله یهدی من یشاء الی صراط مستقیم

اتبعون اهدکم سبیل الرشاد

صاحب و مدیر مسئول : ع . اشرف ادیب

جلد ۲ - ۹

صفر ۲۲ ۱۳۳۱ پنجشنبه ۱۷ کانون ثانی ۱۳۲۸

عدد ۶۷ - ۲۲۹

عساکری ایلہ «مالیسور» لر و مردیتایلر آرمه سنده غایت شدید محاربات وقوع بولمشدر . بو محارباتده یوز سکسان صرب عسکری تلف اولمشدر . صرب عساکرینه تعرض ایدن مالیسورلرک تنکیلی ایچون «تیران» و «قروپا» دن ایکی طابور صرب عساکری مقدار کافی جبل طویاری ایلہ اعزام ایدلشد . مالیسورلر طاغله چکیلوب پوصولر قورمشدر . صرب عساکری «ویتالی» یه ایلرولر ایکن «مردیتا» لیرک قوای متحده سی طرفدن احاطه ایدلش و وقوع بولان محاربه ده ایکی طابور صرب عساکری و جبل طویاری ۶۰۰ عسکر تلف اولش و متباقی سی سلاح و مهماتی و طوپلرینک جمله سی ترک ایدوب پریشان برحاله فرار ایلشد .

اوربک - اورپا:

المانیانک اسلامه مظاہرئی . — المانیانک در سعادت سفیری بارون وانکنهایم جناباری کچن کون حکومت متبوعه سندن آتیده کی تلغرافی آلمشدر : «المانیانک ، آسیای عثمانیده کی منافع عظیمه سنه بناء شواثاده روسیه طرفندن باب عالی اوزرنده تضییقات اجراسنه موافقت ایده من . کیفیت روسیه قابینه سنه ده تبلیغ ایدلشدر .»

سبیل الرشاد . — مسلمانلر ، «والقینا بینهم العداوة والبغضاء الی یوم القیامة کما اوقدوا ناراً للحرب اطفالها الله ...» سرینک بالفعل تجلیدن کورهرک عزم و متاتلرینی تقویه و تزئید ایلسونلر .

عالم اسلامده تظاهرات :

هندستانک (لکنو) شهری اهالی اسلامیه سی بر (متینغ) عقیدله لوندره قابینه سنک دولت عثمانیه علیمدار هر خط حرکت تعقیب ایلسنی شدله پروتستو ایتشد .

§ قالدکوتادن ۲۰ کانون ثانی تاریخله داخلیه نظارتنه چکیلن تلغرافله مه در : دونکی رویتر آژانسک قابینه تبدلنه دائر ویره دیکی حیوادی مسلمانلری تکرار امیدوار ایلشد . جناب حقل سزلری اسلامی مدافعه یه موفق بیورسنی دعا ایلکده یز . قالدکوتا مسلمانلری نامنه : عارف

§ هندستان مسلمان جمعی طرفندن مصارف حربیه اوله رق حکومت عثمانیه (۱۶,۰۰۰,۰۰۰) اون آلتی ملیون فرانک تودیع واعطا ایدلش اولدیفنی استخبارات آژانسی تأمین ایدیور .

بو مبلغ هند مسلمانلری طرفندن هر نه قدر تا بدایت مخاصمه ده جمع اولنش ایسه ده اسقاط اولنان قابینه یه اعتماد و امنیت ایتدکلرندن طولانی کوندربله مشدر .

§ رانغوندن احمد داود و منلا افندی صباح غرته سنه آتیده کی خصوصی تلغرافنامه یی کشیده ایتشد :

«بورما اهالی اسلامیه سی دولترک نوطه سنه شن وشوکت اسلامیه و شرف وحشمت عثمانیه منافی بر جواب اعطاسنه میدان ویرلیوب بو صورتله حیثیت خلافتک مختل اولسک منعی ضمننده اتحاد اولنان غایت مصیب ، معقول و مقبول بر تدبیردن طولانی عثمانیلری تبریک ایدیورلر و بو مناسبتله اثنای محاربه ده غائب ایدیلن اراضینک ده امثالسز و شهرت شعار مشیر شوکت پاشا ایلہ غازی انور بکک سایه سنده استرداد ایدیله جکنه ، بو صورتله عثمانی سلاحلرینک ناموس و شرفی اعتلا ایلله جکنه امین و مطمئن بولندقلرینی بیان ایدیورلر . بو خصوصه جناب حقه دخی کمال خشوع ایلہ نیاز و اضرع ایلورلر . بتون امت اسلامیه محاربه دوام ایتدیکی مدتیجه دارالخلافه العلییه اعانه نقدیہ ارسالندن اصلاکری طوریه جق ، عثمانی هلال احمریه معاونت لازمه یی قطعاً دریغ ایتیه جکلردر .»

مظالم نصرانیه :

میرا خرسیتیانہ بارم . — جمعه بالایه مربوط سیمیتلی قریه سنده ۷۴۰ مسلمانک اولجه بلغار اولدقلری بهانه سیله خرسیتیانلی قبول ایتدکلرینه و قرینق

طوغری باقره رق بابالرینک اسلامیت یولنده آقیمش اولدقلری قانک انتقامی آلفله پرورشیاپ اولورلر! آرتق یا معشر الاسلام ، وظیفه باشنه ! شعار من : یا شرف ، یا اولوم در !»

انور بک - اورپا

ویانده منتشر «نیو وینر ژورنال» غرته سی مهم بر مقاله سنی شو جمله ایلہ بتزیور : «بوکون عثمانیلرک و حتی دینله بیلرک بوتون اوروپانک مقدراتی انور بکک ید اقتدارنده در .»

شیون

مظفریات حربیه و سیاسیه :

آن دکرده :

الاهرام غرته سنده اوقوندیغه کوره حمیده قروواووری ۹ کانون ثانی افرنجیده پورت سعید صولرینه تقرب ایتدیکی صرده ایکی یونان طورپیدوسنه تصادف ایدرک برینی باقیمش و دیگرینک مهم اقسامی تخریب ایلشد . § ۱۰ کانون ثانیده بیروته مواصلت ایدرک ریخته ده بیکلرجه خلق طرفندن سلاملاش ، بر قاچ ضابط و عسکر اخراج ایتدکن صوکرا ، اون بر بچقه بیروت لیانندن مفارقت ایلشد . قهرمان حمیده نک موفقیتی اهلینک قوه معنویه سی اوزرنده بک مهم بر تأثیر اجرا ایتشد .

§ تصویر افکارک استخباراتنه کوره حمیده ، بیروتن عودتی اشناسنده ، یونانلیرک درت طورپیدوسی طرفندن بر هجومه معروض قالمش و کوستردیکی صولت دلیرانه نتیجه سنده ایکی طورپیدوی غرق ، برینی ده ضبط ایلشد . دیگر طورپیدو بک زیاده خساره دوچار اوله رق فرار ایده بیلمشدر .

اسم جهانک غرقه اولسی . — «اسپه چیا» زرهلیدی کانون ثانیکنک بشنجی جمعه ایرتسی کونی لینی آچیقلازنده وقوع بولان محاربه بحریه ده عثمانی کولله لرینک اصابتیه فناحاله زده لهرک موندروس آچیقلازنده باتمش اولدیفنی موثوقاً خبر آلمشدر .

آرناوودلرده :

جاوید پاشادن وارد اولان بر تلغرافه کوره عثمانی قوتی دشمنی دفع و تنکیل ایتک صورتله کورینجه یی استرداد ایلشد .

§ صباحک مخبر مخصوصی سلانیکدن یازیور : «آرناوودلر صربلیره قارشى صورت شدیدده اعلان حرب ایتدیلر . چتهلر تشکیل ایدیورلر . آرناوودلرک طویلی اولدیفنی کی کلیتی مقدارده مترالیوزلری ده وار . صربلر ده هشتی تلفات ویردیر یورلر .

آرناوودلرک دبره ، قومانووه ، پرشتنه یی ضبط ایتدکاری محققد . دوندن بری قچانیک بوغازینی طوتدقلرینی ده ایشید یورز . بومسوعانمزی ایکی کوندبری اسکوبدن یوقاری شمندوفرلرک ایشله مبدکاری تأیید ایدیور .

خبر آلدیغمز کوره متروویجه خطی اوزرنده صربلرک بر عسکری ترنی آرناوودلر بومبا ایلہ بر هوا ایتشلر . فقط بو خبر هنوز تأیید ایتدی .

§ «قائارو» دن ویانیه واقع اولان اشعاراته نظراً قوای عثمانیه ، اشقودره ده یکی بر خروج حرکتی یا مشلر و شنکینه طوغری کندیلری ایچون بر یول آچغه موفق اولمشدر . اشقودره قوای عسکریه سی ، شنکیندن بو صورتله بول بول ارزاق آلمشدر .

§ «ویانه» دن «فوسیشه چایتونغ» غرته سنه اشعار اولنیور : «بار» دن «راخنشپوست» غرته سنه وارد اولان معلوماته نظراً «ماطیا» ده صرب

بومرگزده بولندینی آکلاشمسی اوزرینه داخلیه ناظری رشید بك وخارجیه ناظری نورادونکیان افندی بعض بیاناتده دها بولنشلردر .

صدر اسبق سعید پاشا مجلسك برشكل رسمیمی اولوب اولمندینی سؤال ایلمشدر ، جواباً مجلسك بر ماهیت استشاریهیی حائز بولندینی بیان اولمیشدر . مذاکره نك ختامه طوغری مسئله نك صفحه حاضرده سنده هیئت وکلانك موافق کوردیکی تدبیر مجلسه بیان اولمیشدر که دول معظمه ایله بالاشلاف بر صورت تسویه بولمق اساسنه مستند ایدی .

ذاتاً حضارک اکثریت عظیمه سنكده مشکلات حاضره نك صلحاً تسویه سنی جهتی التزام ایله کلری کورلمکده ایدی . حضاردن برقچ ذات مخالف رأی درمیان ایلمشدر .

مذاکرات وسطی ساعت درنده ختام بولمش ومدعوین عودت ایتمکه باشلامشدر .

صدراعظم کامل پاشا ایله صدر اسبق سعید پاشا الاله طوتوشه رقصالوندن چیمشدر و صدر اعظم پاشایی سعید پاشا مردیون باشنه قدر تشییع ایلمشدر . مجلس طاغیلقدن صوکره حضار دیگر سالونلره طغیلشدر ومذکور سالونلرده استحضار ایلمش اولان بوفه لردن اندرون افندیلری واسطه سیله جای وسائر ایله اعزاز واکرام ایلمشدر .

ذات حضرت پادشاهی مجلسك دوامی مدتجه جریان مذاکراتدن منتظماً معلومات آلمقده بولنشلردر .

§ اشبو مجلسده حاضر بولنان ذواتك اسامیمی بروجه آتیدر : هیئت وکلا : صدر اعظم کامل پاشا ، شیخ الاسلام جمال الدین افندی ، حربیه ناظری ناظم پاشا ، خارجیه ناظری نورادونکیان افندی ، داخلیه ناظری رشید بك ، اوقاف ناظری ضیا پاشا ، مالیه ناظری عبدالرحمن بك ، عدلیه ناظری داماد عارف حکمت پاشا ، معارف ناظری داماد محمد شریف پاشا ، نافع ناظری ضیا بك ، بحریه ناظر وکیل مستشار رستم پاشا ، تلفراف وپوسته ناظری موسوروس بك ، صدارت مستشاری عادل بك .

هیئت اعیان : صدر اسبق سعید ، فرید ، غازی مختار ، رشید عاکف ، مشیر فوآد ، داماد فرید ، طوبجی فریق رضا ، عمر رشیدی ، آریستیدی ، حسنی ، سعید حلیم ، سلیمان ، شریف جعفر ، عارف حکمت ، عزت ، محی الدین ، شکری پاشا ، اکرم ، حلیم ، عبدالرحمن شرف ، شریف ناصر ، علی غالب ، فائق ، لغوف ، نوری بکر ، عبدالقادر ، رضا ، آرام ، آزاریان ، ماوروقورداتو افندیلر .

[اعیانندن محمود شوکت پاشا ایله موسی کاظم ، سلیمان البستانی ، ضیاء الدین افندیلر ، محمد توفیق ، صدر اسبق حق ، ابراهیم پاشا ، نائل ، شریف علی حیدر ، پرنس صباح الدین بکر حاضر بولونمیشلردر .]

دیگر ذوات : دفتر خاقانی ناظری محمود اسعد ، فتوی امینی محمد اسعد ، روم ایلی قاضی عسکری ابراهیم ادهم ، اناتولی قاضیه کبری ، مصطفی عاصم ، ماهر سعید افندیلره دیگر بعض علما .

ارکان حربیه عمومیه رئیس عزت ، معاون هادی ، پیاده دائره سی رئیس فرید ، طوبجی دائره سی رئیس علی رفیق ، سواری رئیس صبحی ، برنجی فریق عبده ، اعمال حربیه رئیس ناظم ، بحریه ناظر اسبق فریق خورشید ، محاسبات دائره سی رئیس احمد فوزی ، قطعات مفتشی حسنی ، بحریه محاکمات رئیس خلیل ، مصارفات دائره سی رئیس راسم ، لیان دائره سی رئیس عبدی ، بحریه ارکان حربیه رئیس وکیل صدق ، شورای دولت ملکیه دائره سی رئیس ثانیه احمد سالم ، تنظیمات دائره سی رئیس ثانیه سعید ، مالیه ، نافع ، معارف دائره سی رئیس ثانیه توفیق بکر ، عدلیه نظارتی محکمه تمیز رئیس علی حیدر افندی ، جزا دائره سی رئیس عثمان ، استدعا دائره سی رئیس رشیدی ، باش مدعی عمومی اسماعیل حق بکر ، شهر امینی جمیل پاشا ، رسومات مدیر عمومی سیری بك حاضر بولنشلردر .

اهالی سنكده عین آرزوده (!) بولملری حسیله آنلرایچون ده مراسم مخصوصه حاضرلاندیغنه دائر ق . پاولوف امضاسیله دینه وینك غریه سنه بر مکتوب یازلمشدر .

بربروک برضیاع . — عثمانلی عالم مطبوعاتنه برچوق خدمات خیریه ونفیسه ایفاسنه موفق اولان ابوالضیا توفیق بك کچن کون سکنه قلبدن فجأة وفات ایدرک مفتون عرفان وفضائل اولان بتون قلبلری دوچار حزن وکدر ایلمشدر . جناب حق غریق رحمت الهیه سی بیورسون . محادیم کرامنه عن صمیم القلب بیان تعزیت ایلرز .

فاس :

فرانسزله قارشى اعلاوه عصیان . — طنجه دن « الشعب » غریه سنه یازلدیغنه کوره مراکشده « شضمه » قبیله سنك فرانسزله قارشى اعلان عصیان ایتسی اوزرینه موجدور ایله طنجه آرهنده مرور وعبور بستیون منقطع اولمشدر . ذاتاً قبیله مذکوره افرادی یولی بکلمکده اولدقلری جهته کیمسه اورادن کچمکه جسارت ایده میور .

وثائق تاریخیه

مابین هایونده انعقاد ایدن مجلس

۱۳ صفر ۱۳۳۱ ، ۹ کانون نانی ۱۳۲۸ چهارشنبه کونی طولم باغچه ساحل برای هایونی سفرا سالوننده اجتماع ایدن مجلسك مذاکراتی حقنده جرائد یومیه ده کوروان تفصیلاتك خلاصه اقتباسی مناسب کورولمشدر :

صدراعظم پاشانك ریاستی اراده سنیه پادشاهی مقتضیاتندن بولنقله کامل پاشا مجلسه داخل اولان ذواتدن متشکل مریعك صفرلندن برینك وسطنده بر موقع مخصوصده اخذ موقع ایلمشدر . صاغ طرفلرنده شیخ الاسلام ، صول طرفلرنده صدر سابق سعید پاشا بولنیورلردی . حاضر بولنان اعضانك مقداری یوزه قریب ایدی .

مذاکراته وسطی ساعت برچقمده باشلانوب اولاباب عالی تحریرات مدیری سعید بك دول معظمه طرفندن ویرلن نوطه نك صورت مترجه سنی قرائت ایتمش و بونی متعاقب حربیه ناظری ناظم پاشا محاربه حاضره و طرفین اردولرینك وضعیتی حقنده ایضاحات اعطا ایلمشدر . بعده مالیه ناظری عبدالرحمن افندی دخی دولنك احوال مالیه سنه دائر معلومات ویرمشدر . خارجیه ناظری نورادونکیان افندی افاداتی قلمه آلمش اولدیغندن ، تنظیم ایتمش اولدیغنی فذلکه دخی مشارالیه سعید بك طرفندن قرائت ایلمشدر . فذلکه مذکوره اوروپا سیاسیات عمومیه سنك صفحه حاضره سی و دولتلردن هر برینك خط حرکتی وسفرامزه وقوع بولان بیاناتی حقنده معلوماتی حاوی ایدی .

فذلکه نك قرائتی ختام بولمقده کلام صره سیله علمادن مصطفی عاصم افندی و اعیانندن داماد فرید و مشیر فوآد پاشا و دفتر خاقانی ناظری محمود اسعد افندی و اعیانندن رشید عاکف پاشا و لغوف بك ، صدر اسبق سعید پاشا و مثله حاضره نك بر تسویه اشلافکارانه سی موافق اوله جنی طرزنده بیان مطالعات ایلمشدر . متعاقباً باش مدعی عمومی اسماعیل حق بك دوام حربی التزام ایتمش و بعض مسائل عسکریه دن دخی بحث ایلمشدر ؛ موضوع بحث ایدیلن مواد حقنده حربیه ناظری ناظم پاشا طرفندن بعض جوابلر ویرلمشدر .

ایراد اولنان نظائرک خلاصه مالی دول معظمه نك رضاسی دائره سنده بر تسویه اشلاف و روانه یه چالیشیلق جهته معطوف بولنمشدر . حضارک افکاری